

Uztailaren 21ean
URTEAN ZEHARREKO 16. IGANDEA

Agurra

Jainko Aitaren eta Jesu Kristoren grazia eta bakea zuekin.

Sarrerako oharpena

Bihotz zabaleko elizaren, harrera oneko elizaren ezaugarri da gure batzarra: hemen denok pareko eta duinak sentitzen gara. Apostoluaren deiari erabat erantzuteko bidean gara: «onartu batak bestea, Kristok onartzen zaituzten moduan».

Damu-otoitza

Senideok: gure Jaungoikoa bihozbera eta errukitsua da. Horregatik, misterio santuak ospatzerakoan, azter ditzagun gure bizitzak, eta aitoren dezagun geure bekatua Jaunaren eta Elizaren aurrean.

—Jesus Jauna, Pedro damutuari barkamena eskaini zeniona: erruki, Jauna.

—Jesus Jauna, lapur onari paradisua agindu zeniona: Kristo, erruki.

—Jesus Jauna, bekatuen barkamenerako apostoluei Espiritu Santua eman zeniona: Erruki, Jauna.

Erruki dakigula Jainko guztiz ahaltsua, eta, gure bekatuak barkaturik, eraman gaitzala betiko bizitzara

Otoitza

**Begira, Jauna, zeure zerbitzariei
eta emazkiezu ugari zeure graziaren dohainak,
fedek, esperantzak eta maitasunak indarturik,
zure aginduetan erne iraun dezaten.**

**Zure Seme Jesu Kristo gure Jaunaren bitartez,
Zurekin eta Espiritu Santuarekin batean
Jainko eta Errege bizi baita gizaldi eta gizaldietan.**

Hitzaren liturgiari oharpena

Jainkoaren Hitzak itxaropenezko mezua agertzen digu. Jainkoak, gu ontasunean eta maitasunean bizitzea nahi du. Eta nahiz sarritan gu bestela bizi, zain dugu beti bigarren aukera emateko. Jainko barkamen-emaile hori bera agertuko digu Jesusek Ebanjelioan.

Lehenengo irakurgaia (*Has [Gn] 18, 1-10a*)

Genesis liburutik

Egun haietan, Jauna Abrahami agertu zitzaion Mambreko artadian. Berorik handieneko ordua zen, eta Abraham atarian zegoen eserita. Begiak jasotzerakoan, hiru gizon ikusi zituen bere aurrean zutik.

Ikusi orduko, txabola atetik haien bidera joan zen, eta lurrean ahuspeztuta, honela esan zuen: «Jauna, zure gogoko gertatu banaiz, ez joan zure morroiaren aurretik, gelditu gabe. Ura ekarraraziko dut, eta oinak garbituta zuhaizpe horretan eseriko zarete. Ogi zati bat ere ekarriko dizuet, eta indarberrituko zarete; eta gero jarraituko diozue bideari, zuen morroiaren ondotik igaro zaretenez gero». Haiek erantzun zioten: «Egizu diozuna».

Joan zen Abraham lasterka oihal txabolara Sararengana, eta esan zion: «Hartu berehala hiru gaitzeru irin, eta oretu eta egin opilak. Joan zen gero zekorretara, eta zekor gizen on bat hartu eta morroi bati eman zion, laster presta zezan. Gero, gazta, erreberoa eta zekorkia harturik, dena aurrean jarri zien hiruei; eta bera haien ondoan gelditu zen zuhaizpean; eta haiek jan zuten.

Orduan galdetu zioten: «Non da Sara, zure emaztea?» Abrahamek erantzun: «Hor, oihal txabolan». Eta haietako batek esan zion: «Hurrengoan etortzen natzaizunean, Sarak izango du ordurako seme bat».

Erantzun-salmoa (Sal 22, 1-3. 4. 5. 6)



Nor bi - zi, Jau - na, zu - re ~~æ~~xe - an?



Akatsik gabe eta zintzo dabilena,
bere artean egia diena.
Mingainez inor bezten ez duena, '
hurkoari gaitzik egiten ez diona,
auzokoa lotsagarri uzten ez duena. R/.

Gaiztoari esker txarra ematen diona,
Jainko-begirune dena ospatzen duena;
bere kaltetan zin eginik ere aldatzen ez dena, '
dirua irabazitan ematen ez duena,
errugabearen aurka eskupekorik hartzen ez duena. R/.

Bigarren irakurgaia (Kol 1, 24-28)

San Paulo Apostoluak Kolosarrei

Senideok: Poza dut orain, zuen onerako eramaten ditudan nahigabeengatik; honela betetzen ditut neure haragian Kristoren nekeak, Haren gorputza den Elizaren alde. Jaungoikoak Elizaren zerbitzari egin nau, eta bere berri ona zuei osorik adierazteko eginkizuna eman dit.

Misterio hori gizaldi eta belaunaldietan ezkutuan egona da; eta orain Jainkoak bere santuei agertu die. Jainkoak ezagutarazi nahi izan baitie bere santuei, misterio honek jentilentzat daukan aintza eta aberastasuna: Kristo dela zuentzat aintzaren itxaropena; Kristo hau hots egiten gabiltza jakinduria guztiz, gizon-emakume guztiei burubide eta erakutsiak emanez, guztiak beren kristau bizitza betera irits daitezten.

Aleluia (Ik. Lk 8, 15)



Zorionekoak, bihotz on eta jorian
Jaungoikoaren hitza gordetzen dutenak,
eta ekinaren ekinez alea ematen dutenak. R/.

Ebanjelioa (Lk 10, 38-42)

Homiliarako argibideak

Hitza entzun

Dibertsioaren gure kulturak kentzen digu gure denbora guztia eta, azkenean, ez dugu astirik pertsoneri entzuteko, arreta pertsonengan jartzeko. Jendetzen eta horrenbeste distrakzioen erdian, baina, interesarekin eta adeitsu hartuko duen norbaitekin barrua husteko eta pentsatzen edo sentitzen duena esateko beharra du gizaki modernoak, askotan. Marta, Maria eta Lazaro Jesusen hiru lagun maite ziren, momentu zoragarriak igarotzen zituen haiekin. Bi

ahizpak **ekintza desberdinak** burutzen ageri dira gaurko ebanjelioan.

Kristau tradizioak batzuetan bi ahizpa horietan bizitza aktiboaren eta kontenplatiboaren eredia ikusi duen arren, guztiok landu beharreko bizitzako **bi dimentsio** ordezkatzen dituztela ematen du gehiago. Bizitzan, jaso eta eman egiten dugu, jasotzeko ematen dugu. Maitasuna jaso nahi dugu batez ere, maitasuna emateko. Maitasun hori maitasun-iturriari erreparatzen dionean sentitzen du batek. Jainkoak maitatu gaitu lehendabizi.

“Hitzak” hebreeraz duen esanahiaren bi alderdi bereizezin dira entzun eta zerbitzatu, kontenplatu eta jardun. “Hitza” beti da sortzailea. “Hitza” errealitate eta ekintza da aldi berean, ez hitz hutsak soilik. Hitza entzuten duenak Jainkoa eta Kristo aurkitzen ditu bizitzan. Bere bizimodua eta ekintzak aldatuko dituen **barne eraldaketa** bizi du. Horixe bizi du batek otoitzarekin, hori benetakoa denean, Jainkoaren aurrean dagoenean. Jainkoa jardunean ari da beti eta haren aurrean jartzea mundua salbatzeko bere jardunean sartzea da.

Martak maisua zerbitzatu du, Mariak entzun egiten dio. Martak Mariak bere hitza entzuteko ministerioa zerbitzuaren alde utz dezan nahi du (*Lk 10, 38-42*). Babestu ez ezik, **beharrezkoa den gauza bakarra** eta onena hitza entzutea dela adieraziko du Jesusek. Beharrezko gauza bakarra izateak ez du beste ministeriorik ez dagoenik esan nahi. Elizako bizimodua ez du behararen legeak gidatzen, **Espirituaren dohainen aberastasunak** baizik.

Jesusek Maria goratzen du, bere bizitzan zentratzen jakin duelako, beharrezkoa dena bakarrik bilatzen eta alderik onena hautatzen. Beharrezko aldea ez da beti onena. Kasu horretan bai, ordea. Jainkoaren hitza entzutea da **beharrezko gauza bakarra**, baita batek

egin dezakeen gauzarik onena ere. Hori da batek eman dezakeen zerbitzurik onena. Zerbitzu praktikoak ere badu bere balioa, noski, balio erlatiboa da, ordea.

Segur aski, dena zerbitzu praktikora murriztu nahi izatea eta batek egin beharreko gauza bakarra hori izatea nahi izatea da Martaren akatsa, eta ez ahizpak bezala denbora galtzea. Segur aski, horrek amorratzen du Marta. Bere ikuspegia inposatu nahi dio ahizpari eta, horretarako, Jesusen babesa bilatzen du. Jesusen ez dio emango, baina. Mariak, berriz, **errespetatu** egiten du Marta egiten ari dena, eta ez dio eskatzen mugitzeari uzteko eta Jesusen oinetan eseri eta hari entzuteko.

Abrahamen adibidea (*Gn 18,1-10*) oso esanguratsua da. Hiru mezulariren gisara egiten dio abegi Jaunari. Bere etxolan hartuko ditu, denbora eskaini eta zerbitzatzeko beharrezko guztia emango die. Aginduak ematen ditu, baina bera ere mugitzen da, lanean hasten da. Geroago, elkarrizketa mamitsua edukiko du haiekin. Pertsonenganako arreta eta jateko behararen zerbitzu zehatza **integratzen** jakin du.

Eukaristian, Jainkoaren hitza entzuten da eta Jaunak guretzat prestatu duen banketean parte hartzen da, biak integratzen dira, eta bizi izan dugun Jainkoaren maitasuna presente egitera bidaltzen gaitu. Horrela, bete-betean bizi dugu eliza-bizitzaren aberastasun guztia.

Jainkoaren herriaren otoitza

Otoitz egin diezaiogun, senideok, errukiaren Jaunari gure ahultasunean lagun gaitzan, Berak nahi bezala bere izenari dei egin diezaiogun.

—Elizen arteko bakearen alde, kristau guztien batasunaren alde eta gure zorionaren alde. Eska diezaiogun Jaunari.

- Herrietako arduradunen alde, beraien ardurapean bakezko eta ongizatezko bizitza izan dezagun. Eska diezaiogun Jaunari.
- Etxetik urrun direnen alde, gaixoen eta kartzelatuen alde, sufritzen duten guztien alde. Eska diezaiogun Jaunari.
- Fedez eta begirunez biltzen den gure elkartearen alde, gure parrokian on egiten duten guztien alde eta behartsuei laguntzen dietenen alde. Eska diezaiogun Jaunari.

Onginahiaren Jainkoa zaren Aita, entzun gure otoitzak eta emaguzu bihotz apala, Zure Semearen hitza entzuteko eta Bera senideengan zerbitzatzeko. Errege bizi baita gizaldi eta gizaldietan.

Jaunartze-ondorengo otoitza

**Zaude beti, Jauna, zeure herriarekin;
eta sakramentu hauen graziaz bete dituzunei
emaiezu, beren izate zaharra utzirik,
jainkozko bizi berriaren erara bizitzea.
Jesu Kristo gure Jaunaren bitartez.**